

Deman, oûna veryéyte ën mountagne

- Bondzo Djyan, dèquye tû fé deman?
- Quyën dzo rë deman, Paul?
- Deman é demîndze, i 3 fivrî 2008, t'a pâ envey d'aâ féire oûna veryéyte ën pé avouë me?
- Porquyë pâ? Àvoue t'a moujâ aâ?
- Éná û Métèyé, di Chivië. É condichyon chon böne é i dondjyë d'aîntse féyblo.
- Chivië, 1733 m. de vâ, i Métèyé, i son d'ivéi à 3088 m., chin noje bàle glâ 1300 m. de mountâye. Che t'a ëntinchyon de féire arîta, fé glâ sin é carànta m. de plû. I pouîro que chaèche troâ on por me. I pou fé de pé chi an. Chéi jû 3 cou di o Blœujî, 1413 m., éná a son da Nationale, 2260 m, é 2 cou di Planchouë, 1505 m., éná i chôte de Combatsèene, 2204 m., po voaeon di 22 contö. Chin fé po tsîquye mountâye 700 à 800 m. de denivèlachyon. Crey-tû que pouéi d'oun cou glâ doblâ o dénivelé? Che tû m'atin, porquyë pâ?
- T'ën fé pâ Djyan. Yo i pâ fé tan méi que tû. No vouajin tsapou, no pouin avouéi partî méi vîto. Che chon pâ jû éná yè, faré a trêche. Y dey pâ aey méi que 30 de frètse. No varin pâ œûtre chû arîta paney.
- A quyën t'œûre tû moûje émodâ?
- Pé 7h30 di Chivië. Fé fré, anonsson -8° à 2000 m., n'in pâ de soussî po tornâ bâ.
- Vouéiro de tin tû cönte?
- Dejin 3h30 - 4h. Ën contin ârdze, à myë-dzo no chin éná, é pé 13h30 bâ ën Chivië. Tû charey d'acö?
- Porquyë pâ?
- Pâcho te bretchyë à 7h00 ën tchyë te. Âche-me o numero de tèlfone che jamey.
- Aey, 079 6142253. Pouète à deman.
- Oûble rin. A pâa, a sönda, o DVA (Décteur de victime d'aîntse), oun peynë à béire é à mindjyë. A deman.



Texte Maurice Michelet (février 2008)